



POSTER LIBRI

ParFurlan. Par imparâ. Par capi. Par Capîsi.



emût doprà:
www.linguevfg.it

par iniziative dal CONSORZI UNIVERSITARI DAL FRIÛL, in prosecuzion dal projet "Inzornament insegnants" Leç 482/99 fonts 2002
CREDITS: Leonardo (Leo) Ortolani_Mauro Tosoni_ideazion e coordinament: Alessandro D'Ossualdo, Di Suald



SCUELE DI FUMUTS CUL SUPEREROI RAT-MAN

CHEI CHE LAVORIN TOR DI UN FUMUT

Par creâ un libri a fumuts a colaborin diversis figuris professionâls ançe se dispès une sole persone e fâs plui robis. Scuvierzînlis insiemit. Lis fasis a son separadis a bloc par defini miôr i moments.

- SOGJETIST**
al è chel che al scrîf la storie
- SENEGJATÔR**
al è chel che al descrîf la storie cun dai schiçs, vignete par vignete, incuadrature par incuadrature
- DIALOGHIST**
al è chel che al bute jù i dialics
- DISEGNADÔR**
al è chel che al svilupe la storie a matite, al prepare i personaçs, i ambients, al fâs lis ricercjîs storichis...
- INGJISTRADÔR**
al è chel che al ingjstre cu la chine il disen a matite
- COLORIST**
al è chel che al da i colôrs, par solit cul computer
- LETERIST**
al è chel che al scrîf tai *baloons*
- CUVERTINIST**
al è chel che al fâs lis cuvertinis
- SUPERVISÔR (inglês: EDITOR)**
al è chel che al controle il dut prime de stampe
- GRAFIC EDITORIÂL**
al è chel che al cure la grafiche gjenerâl dal libri
- EDITÔR**
al è chel che al publiche e al comercialize il fumut

Fâ fumuts al pretint ideis e abilitât. Ma costruî un personaç nol è masse difilcil se si seguissin, cun pazienze, des regulis di base che us spiegarin cul aiût di Rat-Man, il plui innomenât fumut italian dal moment. Chel che al covente al è soredu la voie di no rindisi devant des primis dificoltâts, ma di vè la fuerce di volontât di là indenant. Chestis piculis regulis lis podês doprà par costruî un amî dut vuestri, o par fâ un librut in classe, o par divertîus cui amis... Bon lavôr e buine matite!


1

Prin di dut si à di tirâ il schiç dal personaç cu la matite. Par fâi la muse o il cuarp cun plui facilitât a si à di seguî des simplicis regulis tant che chês culi disot.



2

Simpri cu la matite, çjalçant un pêl di plui, e lavorant parsore dal schiç, si ripasse ben il disen par defini miôr i particulârs dal personaç. A la fin a si scancelin i segn dal schiç. Des voltis, plui che scancelâ, a si fâs il disen su di un altri sfuei poiât parsore dal schiç e si ilumine dut par sot cuntune taule apueste. O podês fâ chel istès poiant i doi sfueis sui veris di un barcon.




Linie de cinture

Par fâ la muse, fasêt un cercli dividêtu par lunc: li o poiârês il nâs. Daspò fasêt dôs curvis par in bande: in chê parsore a van segnâs i voi; in chê disot, la bocje. A seonde de lôr distance, o podês ançe mudâ la espression de muse.

Par disegná facil i brâçs e lis gjambis e movilis, costruît dai retangui che a si poïn sul cercli de onzadure. Daspò disegnaîtu ben e, une volte ripassâts a chine o a penarel, scancelait il segn de matite.

3


A chest pont e daspò di vè ben curât ducj i particulârs e lis rifinituris, si ripasse la matite cu la chine: il disen definitif al è fat.



4

Scancelait la matite: il disen al è pront par lâ in stampe o par jessi colorât.

Prin di lâ in stampe, però, se si trate di une storie, al va preparât il baloon cul test dentri.



5

Ultime fase dal disen: il colôr. Par solit si lu da doprant il computer cun programs di pueste tant che Photoshop daspò di vè scannerizât e netât il disen a chine. Chest si lu fâs costruînt un bitmap a 600 dpi e dantji la opzion "soglia al 50%". Prime di metisi a colorâlu, impensaisi che la risoluzion de ilustrazion par podê lâ in stampe e scuën jessi di almancul 300 dpi. Cualchidun sul passaç in grîs al da la opzion "acquarello" sul filtri "artistico" par vè un trat plui marcât dal disen.



Il disen al è gjavât fûr de cuvertine dal album nr. 40 de Rat-Man Collection. Stant al autôr, la serie a varês di finî tal 2014 cul ultin numar: il 100.


Cui che al è

RAT-MAN

In chest moment e je la pantiane plui famose in Italie. Rat-Man (pseudonim di Deborah La Roccia) al è stât inventât tal 1989 di Leonardo (Leo) Ortolani, laureât in geologie, e, in curt, al è diventât un fenomen di *cult* sedi pal so umorism che pe sutile ironie des contis che no àn a dâl di menâ ator classicis dal fumut tant che i supererois da Marvel, che chei de letierature tant che "Il vieli e il mâr" di Hemingway.

Tancj a son i premis vûts: dal "Micheluzzi-Comicon", vinçût cetantis voltis, al "Romics d'Oro", a chel di "Migliore fumetto italiano" par plui agns, "Migliore autore completo italiano", "Migliore serie a fumetti umoristica"...

Rat-Man al è stampât de Panini Comics dal 1997.



Tant che Rat-Man, altris personaçs dai fumuts a si son prestâts pe lenghe furlane: Snoopy, Berto Lôf, e la Pimpa.

